



REPUBLIKA E SHQIPËRISË
SH.A UJËSJELLËS KANALIZIME
LUSHNJE

RREGULLORE

PËR HETIMIN ADMINISTRATIV TË KËRKESËS SË
SINJALIZUESIT PËR MBROJTJEN NGA HAKMARRJA
NË SH.A UJËSJELLËS KANALIZIME LUSHNJE

FAQJA E KONTROLLIT TË DOKUMENTIT

Historiku i versionit dhe ndryshimeve të dokumentit

Data	Autori	Versioni	Shënime
22.11.2021		1.0	Krijuar sipas Urdhërit Nr __, dt. __.11.2021 Miratuar sipas Urdhërit Nr __, dt. __.11.2021

KREU I RREGULLA TË PËRGJITHSHME

Neni 1 Baza ligjore

Rregullorja për Hetimin Administrativ të Kërkesës së Sinjalizuesit sër Mbrojtjen nga Hakmarrja në Sh.a Ujësjellës Kanalizime Lushnje, bazohet në Ligjin Nr. 60/2016 “Për sinjalizimin dhe mbrojtjen e sinjalizuesve”, Kodin e Procedurave Administrative, si dhe në bazë të urdhërave, udhëzimeve dhe akteve të tjera nënligjore të miratuara nga I.L.D.K.P.K.I..

Neni 2 Objekti

Objekti i kësaj Rregulloreje është përcaktimi i rregullave për procedurën e shqyrtimit të hetimit administrativ të kërkesës së sinjalizuesit për mbrojtjen nga hakmarrja, në zbatim të Ligjit Nr. 60/2016 “Për sinjalizimin dhe mbrojtjen e sinjalizuesve”.

Neni 3 Përkufizime

Në këtë Rregullore termat e mëposhtëm kanë këto kuptime:

1. **“Hakmarrje”** është çdo veprim, i drejtpërdrejtë ose jo i drejtpërdrejtë, ose kërcënim, i kryer nga organizata, me natyrë diskriminuese, disiplinore ose që, në një formë tjetër të padrejtë, dëmton interesat e ligjshëm të sinjalizuesit dhe që rezulton nga sinjalizimi.
2. **“I sinjalizuar”** janë një ose më shumë persona, ndaj të cilëve bëhet një sinjalizim, sipas Ligjit Nr. 60/2016, në lidhje me një veprim ose praktikë të dyshuar korrupsioni.

3. **“I.L.D.K.P.K.I”** është Inspektorati i Lartë i Deklarimit dhe Kontrollit të Pasurive dhe Konfliktit të Interesave.
4. **“Mbrojtje”** është mbrojtja e sinjalizuesit nga hakmarrja, sipas mekanizmit të përcaktuar në kreun V të Ligjit Nr. 60/2016.
5. **“Njësia përgjegjëse”** është organi i posaçëm, i caktuar brenda autoritetit publik ose subjektit privat, i përbërë nga një ose më shumë punonjës të organizatës dhe i ngarkuar me detyrën e shqyrtimit të hetimit administrativ të sinjalizimit dhe shqyrtimin e kërkesës për mbrojtjen e sinjalizuesit.
6. **“Sinjalizim”** është raportimi i informacionit nga ana e sinjalizuesit tek njësia përgjegjëse ose Sh.a Ujësijellës Kanalizime Lushnje për veprime apo praktika të dyshuara korrupsioni, të kryera në vendin e tij të punës në autoritetin publik apo subjektin privat.
7. **“Sinjalizues”** është individ, i cili aplikon ose është në marrëdhënie pune, ose ka punuar më parë pranë autoritetit publik apo subjektit privat, pavarësisht nga natyra e marrëdhënies së punës ose kohëzgjatjes së saj, si dhe nëse paguhet ose jo, që sinjalizon një veprim ose praktikë të dyshuar korrupsioni.
8. **“Veprim ose praktikë e dyshuar korrupsioni”** është një veprim ose mosveprim, fakte ose rrethana të kryera në një organizatë, për të cilat sinjalizuesi dyshon në mirëbesim, sipas këtij ligji, se mund të përbëjë korrupsion.

KREU II

VEPRIMET PROCEDURALE

Neni 4

Kryerja e veprimeve procedurale

1. Veprimet procedurale të Sh.a Ujësjiellës Kanalizime Lushnje kryhen në përputhje me Ligjin Nr. 60/2016 dhe në rast të mosparashikimit nga ky ligj, sipas Kodit të Procedurave Administrative.
2. Njoftimet për veprimet procedurale, për të cilat Sh.a Ujësjiellës Kanalizime Lushnje cakton afate, duhet të përmbajnë paralajmërimin e shprehur mbi pasojat e mosrespektimit të afatit.

Neni 5

Mbrojtja kundër hakmarrjes

1. Sinjalizuesi, i cili sinjalizon një veprim ose praktikë të dyshuar korrupsioni, sipas Ligjit Nr. 60/2016, mbrohet ndaj çdo masë hakmarrëse të marrë ndaj tij nga organizata, duke përfshirë, por pa u kufizuar në:
 - a. Shkarkimin nga puna;
 - b. Pezullimin nga puna, ose të një, ose më shumë detyrave;
 - c. Transferimin brenda ose jashtë organizatës;
 - d. Uljen në detyrë;
 - e. Uljen e pagës dhe/ose të shpërblimeve financiare;
 - f. Humbjen e statusit dhe të privilegjeve;
 - g. Mosngritjen në detyrë;
 - h. Heqjen e së drejtës për të marrë pjesë në trajnime;
 - i. Vlerësime negative në marrëdhënien e punës;
 - j. Forma të tjera të hakmarrjes në lidhje me punën.
2. Çdo akt i hakmarrjes ndaj sinjalizuesit është i pavlefshëm.

3. Nëse sinjalizuesi dëshiron të vendoset në një strukturë tjetër të organizatës, për të mbrojtur veten nga reagime armiqësore në mjedisin e tij të afërt të punës, i paraqet kërkesë me shkrim Administratorit të Sh.a Ujësjetllës Kanalizime Lushnje.
4. Sh.a Ujësjetllës Kanalizime Lushnje merr masat e arsyeshme dhe të përshtatshme për të lehtësuar një lëvizje të tillë. Në rast të mos miratimit apo moskthimit të përgjigjes brenda 5 ditësh nga data e paraqitjes së saj, Sh.a Ujësjetllës Kanalizime Lushnje, me kërkesë të sinjalizuesit, menjëherë i drejtohet organit kompetent, sipas legjislacionit në fuqi, për të urdhëruar autoritetin publik ose urdhëron subjektin privat të marrë të gjitha masat, sipas këtij neni.
5. Nëse Sh.a Ujësjetllës Kanalizime Lushnje nuk merr masat e kërkuara, ILDPKI-ja i drejtohet me kërkesëpadi gjykatës kompetente.

KREU III

HETIMI ADMINISTRATIV

Neni 6

Procedura e hetimit të kërkesës për mbrojtje

1. Sinjalizuesi, i cili pretendon se është subjekt i një akti hakmarrjeje, fillimisht duhet të paraqesë kërkesë për mbrojtje tek njësia përgjegjëse e Sh.a Ujësjetllës Kanalizime Lushnje.
2. Në ato raste ku nuk ka njësi përgjegjëse sinjalizuesi që pretendon se është subjekt i një akti hakmarrjeje i drejtohet drejtpërdrejtë ILDPKI - së.
3. Njësia përgjegjëse merr menjëherë masat dhe në çdo rast, jo më vonë se 10 ditë nga paraqitja e kërkesës, vendos me akt të ndërmjetëm të arsyetuar për riparimin e pasojave të paligjshme nga akti i hakmarrjes. Në rast të shkeljes së këtij afati, kërkesa e sinjalizuesit paraqitet tek ILDPKI-ja, që

vendos brenda 10 ditëve nga marrja e kërkesës për riparimin e pasojave të paligjshme të aktit të hakmarrjes.

4. Sh.a Ujësjetllës Kanalizime Lushnje, brenda 5 ditëve nga data e marrjes së një kërkesë për mbrojtje nga hakmarrja, njofton me shkrim sinjalizuesin për regjistrimin e pretendimit dhe emrin e personit pranë Sh.a Ujësjetllës Kanalizime Lushnje, i cili do të ndjekë çështjen. Përmbajtja e regjistrimit të posaçëm për këtë qëllim përcaktohet me urdhër të veçantë të Administratorit.

Neni 7

Hetimi administrativ dhe barra e provës

1. Sh.a Ujësjetllës Kanalizime Lushnje heton administrativisht pretendimet për hakmarrje për të përcaktuar nëse ka shkaqe të arsyeshme për të besuar që ka ndodhur, është duke ndodhur, ose pritet të ndodhë një akt hakmarrjeje.
2. Administratori i Sh.a Ujësjetllës Kanalizime Lushnje, në hetimin administrativ, i kërkon me shkresë njësisë përgjegjëse të provojë që masat e marra në dëm të sinjalizuesit janë bazuar në shkaqe të ndryshme dhe që nuk lidhen në mënyrë të drejtpërdrejtë ose të tërthortë me sinjalizimin. Njësia përgjegjëse ka barrën e provës në këtë proces dhe i përgjigjet Administratorit me shkrim brenda 10 ditësh nga data e marrjes së kërkesës.

Neni 8

Bashkëpunimi

1. Sh.a Ujësjetllës Kanalizime Lushnje dhe sinjalizuesi bashkëpunon me ILDKPKI-në në përcaktimin e fakteve dhe rrethanave të nevojshme për zgjidhjen e çështjes së aktit të hakmarrjes ndaj sinjalizuesit. Sh.a Ujësjetllës Kanalizime Lushnje është e detyruar të paraqesë informacione, prova, dokumente, deklarata apo për t'u paraqitur personalisht përpara ILDKPKI-së.
2. Sh.a Ujësjetllës Kanalizime Lushnje çdo deklaram apo argument të saj e paraqet me shkrim.

Neni 9

Mjetet e kërkimit të provës

1. Gjatë hetimit administrativ Sh.a Ujësjetellës Kanalizime Lushnje me qëllim përcaktimin e gjendjes së fakteve dhe rrethanave që kanë lidhje me çështjen mund:
 - a. Të mbledhë deklarata nga palët, dëshmitarët dhe ekspertë;
 - b. Të marrë dokumente dhe dokumente të tjera të dokumentuara nëpërmjet mjeteve fotografike, të regjistrimit ose mjeteve të tjera teknike;
 - c. Të vizitojë vende të caktuara.
2. Kur një provë, nga e cila varet zgjidhja e çështjes së aktit të hakmarrjes ose që ndikon në sqarimin e saj, ka rrezik të zhduket ose të vështirësohet ose bëhet e pamundur marrja e saj, Sh.a Ujësjetellës Kanalizime Lushnje kryesisht apo me kërkesën e sinjalizuesit, mund të vendosë marrjen më parë të kësaj prove (sigurimi i provës).
3. Sh.a Ujësjetellës Kanalizime Lushnje që zhvillon procedurën administrative mund të vendosë sigurimin e provës edhe përpara fillimit të procedurës administrative. Sigurimi i provës mund të bëhet edhe në çdo fazë të procedurës administrative. Përgjegjësia për sigurimin e provave bie mbi Sh.a Ujësjetellës Kanalizime Lushnje.

Neni 10

Njoftimi i sinjalizuesit

1. Sh.a Ujësjetellës Kanalizime Lushnje njofton me shkrim sinjalizuesin brenda 10 ditëve nga data e marrjes së kërkesës për statusin e hetimit administrativ të kërkesës për mbrojtje dhe për çdo veprim procedural të ndërmarrë.
2. Pavarësisht nga afatet e njoftimit, Sh.a Ujësjetellës Kanalizime Lushnje është e detyruar t'i përgjigjet çdo kërkesë për informacion me shkrim, paraqitur në çdo kohë nga sinjalizuesi në lidhje me kërkesën e tij.

KREU IV
AFATI PËR PROCEDURËN E HETIMIT

Neni 11

Masat në përfundim të hetimit administrativ

1. Nëse në përfundim të hetimit administrativ rezulton se është kryer një akt hakmarrjeje ndaj sinjalizuesit nga Sh.a Ujësjetllës Kanalizime Lushnje, ILDKPKI-ja i drejtohet me shkrim organit kompetent, sipas legjislacionit në fuqi, për të urdhëruar autoritetin publik për marrjen e të gjitha masave për riparimin e shkeljes së kryer. Inspektori i Përgjithshëm parashikon në shkresë edhe rekomandimin konkret për llojin e masës që duhet të merret.
2. Nëse Sh.a Ujësjetllës Kanalizime Lushnje nuk merr masat e kërkua nga ILDKPKI-ja, kjo e fundit paraqet kërkesëpadi në gjykatën kompetente.

Neni 12

Afati i përfundimit të hetimit administrativ

Procedura e hetimit administrativ të kërkesës për mbrojtje nga hakmarrja përfundon sa më shpejt të jetë e mundur dhe në çdo rast jo më vonë se 60 ditë nga data e regjistrimit të kërkesës.

Kjo Rregullore hyn në fuqi menjëherë.

ADMINISTRATORI

Erjet DHIMA

